



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 8. An testamentum in alienum arbitrium conferri possit?

[urn:nbn:de:hbz:466:1-73045](#)

ultimas voluntates ad piam causam, seu quæ disponunt de relictis Ecclesiæ, non debeant judicari secundum leges; reddat rationem: quia in ore duorum, vel trium sit omne verbum, per hoc insinuans, in ipsis dispositiōnibus plius non exigi, quam ut constet de mente disponentis; & ad pias causas valeat, quod olim jure gentium exigebatur; hoc autem jure sufficenter constabat, quo cunque arguento res patet; puta diobus testibus, scripturâ, de qua non erat dubium esse manu propriam ejus, &c. ergo. Nec obstat, quod etiam in c. *Cum effes*, præter duos testes exigatur præsentia Parochi, licet utatur illis verbis: *in ore duorum, vel trium &c.* quo volunt aliqui, vi argumenti à nobis adducti esse dicendum, etiam in testamento ad pias causas requiri præsentiam Parochi, non inquam, obest, quia c. *Cum effes*, differt in eo à c. *Relatum*, quod in illo agatur de testamentis ad causas profanas, in hoc, *ad causas pias*; quo potest nos Pontificem hoc ipso, quod in c. *Relatum*. Judicibus prohibuerit, ne causam testamentorum de relictis Ecclesiæ, seu ad pias causas definiant secundum leges, intimare voluerit; in his, nihil exigendum, nisi, quod constat de voluntate disponentis, propter favorem causa pia, quæ utroque jure pluribus privilegii gaudet, & ad hunc finem adducta esse verba: *quod in ore duorum, vel trium testium sit omne verbum*, hunc autem favorem non habet dispositio ad causas profanas; ergo.

2114 Dices: ergo saitēm duo testes semper erunt necessarii in testamento ad causas pias, alias non est ratio cur Pontifex jubeat requiri duos testes, quod non suppetaret alia probatio, ut notat Haunold. *tom. 2. tr. 6. n. 97. 32.* N. illatum, aliud est, quod sufficiunt; aliud, quod necessarii sunt; primum admittitur, non secundum. Hinc in c. *Indicante. 4. b. t.* etiam ad solius mariti testimoniū approbatur ultima voluntas uxoris, quod scutellam argenteam eidam monasterio reliquerit, & pluribus aliis personis; & constat ex L. ult. C. h. t. *Subtilitatem solennitatum juris remittuntur*, ut dicimus in seqq. Ubi Imperator causam saltem impulsivam allegans ait: *ad DEI humanitatem respiciens &c.*

2115 Quod autem causa pia magnis gaudeat favoribus in comperto est, ea enim, & Ecclesia in jure æquiparantur, ut tradit Cardenias in *Crisi Theol. tr. 2. D. 2. 1. c. 8. n. 183.* Hinc

gaudet iisdem privilegiis, quibus Ecclesia per Tiraquell. de causa pia *privil. 140.* Ideo causa pia non solvit vestigalia, ut tenet communis sententia, & servat praxis. V. Card. de Lugo *tom. 2. de Just. D. 36. S. 6. n. 102.* imò nunc etiam communiter docetur, quod jus civile nequeat disponere in præjudicium causæ pia; sic Carden. *cit. c. 8. n. 162.* ubi pluribus hoc exemplis demonstrat; Confirmari potest hoc etiam jure proprio Austriae Superioris per Augustissimum Imperatorem LEOPOLDUM confirmato, specialiter favente testamentis ad pias causas, in der neuen Land-Gerichts-Ordnung/ p. 3. à 11. §. 6. ibi: Wann der selbst Mörder ein Testament / oder andern letzten Willen hinterlassen soll der selbe außer der Geschäft zu gottseligen Werken/ nicht gäufig seyn/ jedoch daß solches Geschäft/ denen Kindern ihren gebührenden Erbtheil/ wie auch dem Land-Gerichts-Herrn an seinem Anfall nichts entziehe.

§. 8.

An testamentum in alienum arbitrium conferri possit?

Potissima questio nobis est, an valeat testamentum ad pias causas, quod Testator commisit in arbitrium alterius? v. g. instituo hæredes meorum bonorum *pauperes*, quos Titius elegerit: satis communis est opinio, ut sustineatur hæredi institutio, saltem de jure civili, non sufficere, aliquem esse hæredem institutum; sed, amplius desiderari, ut *ipse Testator eum*, quem vult, designet, & instituat, & ideo de jure civili hæreditis institutio in arbitrium alterius conferri non debeat *L. 32. ff. de hæred. instit.* sic non valeret, si Testator dicit, *volo eum hæredem, quem Caius nominaverit*, sic enim illa voluntas non foret justa sententia de eo, quod Testator post mortem suam fieri *velit*, sed de eo, quod *velit Caius*; ita Perez ad *L. 6. tit. 24. n. 6.* ubi tamen hoc limitat ad institutio- nem, quæ *expresè* confertur in arbitrium alterius, non autem si fiat *tacitè*, ex *L. 68. ff. eod.* Idem tradit Zoëlius lib. 6. Cod. tit. 24. q. 1. ex *L. 68. ff. eod.* volunt enim leges testamentorum jura firma per se esse, & ex aliorum arbitrio non dependere *L. 32. ff. eod.* quod censet ita verum, ut ne quidem in arbitrium boni viri conseratur, cum leges hoc nullibi admittant, & hoc, quatenus *expresè* confertur in arbitriu alterius; aliud est, si tacitè conseratur, veluti Mævius

Mævius esto hæres, si Titius capitolium ascenderit. L. 68. nam *sæpe expressa nocent, qua non expressa non nocerent*, L. nonnunquam 52. ff. de condit. & demonst. Nec obstat huic, quod dicitur, posse alterum conjugum testari de bonis alterius, ejus consensu; Nam quid hic dicitur, *dependere ab alieno arbitrio non posse*, est, quia causas ab alio daretur; hic autem non datur, sed tantum *licentia* disponendi de bonis, tanquam de suis, quæ licentia magis facti est, quam juris; Sed hæc, spectato jure civili.

2117 Circa hanc ipsam dispositionem juris civilis *Not. 1.* quando jure civili dicitur: *testamentorum jura non posse ab alieno arbitrio pendere*, ut habetur L. 32. ff. h. t. intelligi de testamento *quoad ipsam substantiam*, ita, ut directè penes ipsum sit facere, ut testator decedat testatus, vel non testatus; unde testamentum sic factum ad causas profanas omnino invalidum esse, censet Hau-nold. *tom. 2. tr. 6. n. 316.* dixi directè 1. quia negari non potest, institutionem aliquo modo pendere ab arbitrio hæredis, semper enim subest conditio, *si ipse voluerit*, excepto servo, qui potest obligari. 2. quia potest hæres institui sub conditione illi libera. Unde testamentum sic factum ad causas profanas, si testator sic diceret: *Instituto Titum, si Cajus bona fide, & sub juramento assertorio id expedire judicaverit*; quia sic non pendet ex alterius arbitrio, & conditio est valde honesta. Et ideo existimant aliqui, cum dicitur testamentum non posse pendere ab alieno arbitrio, intelligi de *arbitrio sumpto pro libera voluntate*, non autem *sumpto pro iudicio boni viri*, ut colligatur ex L. 11. §. 7. de Legatis 3. ibi: *non enim plenum arbitrium voluntatis heredi dedit, sed quasi viro bono commissum, relictum*. Ex quo habetur, aliud esse *arbitrium voluntatis*; aliud, *arbitrium intellectus*.

2118 Quæstio autem est, quid in hoc puncto dicendum *de jure Canonico*? an hoc jure valeat testamentum ad pias causas? Negativam sequitur Zoëlius *cit. q. 2.* cum Sarmiento selectarum *Question. n. 33.* & aliis: rationem dat; quia si hoc jure valeret ejusmodi testamentum, foret ex c. 13. h. t. mox referendo; Sed ex hoc id non probatur: cum enim in dicto c. nulla fiat mentio *piæ causa*, verius videtur, non velle ibi Pontificem dicere, *talem esse simpliciter testatum*,

sed, *haberi pro tali*, in aliquo casu scilicet ad exclusionem Episcopi, cui decedentium ab intestato bonorum dispositio est mandata, c. *cum tibi 18.* de verb. sign. qui frustra dispositionem arrogabit commissam jam alteri per defunctum, qui eatenus non est intestatus.

Affirmativam autem (nimirum testamento **2119** *ad pias causas* in alienum arbitrium conferri posse de jure canonico) sequuntur plures, ac eam colligunt ex c. *Cum tibi. 13. h. t.* cuius integra lectio apud Gonzalez sic reperitur: *cum tibi de benignitate Sedis Apostolica sit indultum, quod ordinatio rerum Clericorum, ab intestato decedentium, liberè in tua potestate, ac dispositione permaneat, volens omnem materiam scandali removere (quod aliquando inter te, & tuos est subortum) super duobus nos consulere voluisti; primò, an appellatio vocabuli *Clericorum* tam ad Canonicos, quam ad non Canonicos extendatur? secundò, an illi, qui in voluntate, & dispositione alterius suam committunt ultimam voluntatem, nihil per se penitus ordinantes, vel determinantes (quid, cui loco, vel personæ conferri debeat?) dicantur decedere intestati?* primæ igitur consultationi tuæ duximus respondendum, quod appellatio *Clericorum* non solum alios, sed & Canonicos comprehendat: *in secunda vero dicimus, quod qui extremam voluntatem alterius dispositioni committit, non videtur decedere intestatus*; sic Innocentius Altissiodorensi Episcopo.

Ex hac lectione deduci potest verus sensus hujus literæ; nam ex ea constat, quod cùm Altissiodorensis Episcopus à Sede Apostolica impetrasset privilegium dispendi de rebus *Clericorum* ab intestato decedentium, duo quæsivit ab Innocentio III. primum an hoc privilegium ad *Canonicos* extenderetur? & affirmativè respondit Innocentius in c. *Cum tibi* de verb. sign. secundò quæsivit, an eo privilegio comprehenderentur bona illorum, qui *Supremam voluntatem alterius dispositioni* committunt? & Innocentius negativè respondit, quia *intestatus non videtur decedere, qui suam ultimam voluntatem, in alterius dispositionem committit*, id coque privilegio non esse locum.

Ratio, propter quam in secunda sua **2121** quæstione dubitaverit Episcopus, videtur illi fuisse, quod præcipua testamenti pars

494 *Tract. in Lib. III. Decretal. Quæstio XXVI.*

sit hæredis institutio, à qua testamentum vires capit, L. 1. ff. de hared. instit. §. ante haredis. Instit. de Legat. & qui sine haredi dedit, ab intestato moritur, L. 1. ff. de suis, & legitimis. L. *Intestatus* 64. ff. de Verb. signif. sed in præsenti specie, *Clerici*, nec haredem instituerant, nec testamentum fecerant; igitur dicendum videbatur, ab intestato deceſſe, & ita dispositionem bonorum ad Episcopum spectare: contrarium tamen decrevit Innocentius, quia in simili casu defunctorum voluntates præcipue attenduntur. L. *in Conditionibus* ff. de condit. & demonstr. idcirco lator in ultimis voluntatibus sit interpretatio, c. *cum dilecti*. de donat. L. *in testamento* ff. de R. J. ut testantis supra voluntas effectum habeat ob publicam utilitatem, cui convenit extrema hominum judicia exitum habere, L. *vel negare*. §. ff. quemadmodum testam. summa ergo nixus æquitate Innocentius Episcopo Altissiodorensi negavit dispositionem bonorum eorum Clericorum, qui in alterius voluntatem dispositionem suam reliquerunt, inquiens, *non videri eos intestatos decedere*.

2122 Ex his deducitur 1. probabilitus affirmari universaliter, valere testamentum de jure canonico, tametsi hoc conditum sit ab alio, in cuius arbitrium defunctus voluntatem suam ultimam commisit, sumendo arbitrium non pro mera libertate, sed prudenti dispositione, præviâ consultatione, & deliberatione matura, ut notavimus n. 2117. & ita ex cit. c. 13. deducunt Julius Clarus §. *testamentum q. 6. n. 6.* Tiraquel, de pia causa privileg. 64. & complures alii apud Barbol. in dict. c. 13. a. n. 2. ratio videtur assignari posse ex ipso textu: nam, cum dictus Episcopus, ex vi privilegii sibi concessi, habuerit facultatem disponendi de rebus Clericorum ab intestato decentium, eo ipso fuisset locus privilegio in secunda quæstione Innocentio proposta; nimur in casu, quo Clerici (de quibus ibi) deceſſerunt sine ullo testamento à se condito, sed tantum in alienum arbitrium commisso; Sed Pontifex negavit ei locum esse: ergo etiam negavit tale testamentum jure canonico invalidum esse; Si enim jure canonico non valueret, deceſſerint intestati, & fuisset locus privilegio, sed Pontifex dixit, quod non deceſſerint intestati, ergo valuit jure canonico.

Deducitur 2. valere testamentum ad 2123 pias causas, licet commissum sit in alterius arbitrium; & primò quidem id procedit probabilius in foro Ecclesiastico, ut constat ex n. preced. 2. esto in jure civili ejusmodi testamento penitus irrita forent, quoad causas *profanas*, adhuc tamen contrarium dicendum esset de tali testamento condito ad pias causas, & sic judicandum etiam in foro seculari, ratio est, quia Judices de causa testamenti continentre relista Ecclesia, vel concernente piis causas, relevantur judicare *nou secundum leges, sed secundum sacros Canones*, sed testamentum juxta sacros Canones non est irritum, esto commissum sit in alienum arbitrium, ut dictum est, licet contrarium foret jure civili, ergo. Ma. est ex n. 209 i. minor ex n. 2122. Confirmatur: jus civile nihil validè disponit in præjudicium causæ piaæ, ut notavimus supra & constat ex L. 1. tit. 2. de Conſtit. nec Ecclesia ejusmodi præjudicium recipit, ergo esto jure civili testamentum in alterius arbitrium commissum foret irritum, & defunctus relicto solū tali testamento diceretur deceſſisse intestatus, quando disposuit ad causas *profanas*; contrarium tamen dicendum esset, si ad causas *pias*.

Ex dictis Coll. 1. nullo teste in testamen- 2124 to ad pias causas opus esse, quantum est ad formam testamenti, sed tantum ad probandum, si non adſit alia probatio cit. c. Relatum. sic Layman lib. 3. tr. 5. c. 2. n. 3. Deinde, hæredes ab intestato, quibus constat voluntas testatoris ad pias causas, non posse bonâ conscientiâ negare relictum piaæ causæ in testamento, propter defectum solennitatum reprobato, quia pia causa his non eget. Coll. 2. in testamento ad pias causas sufficere, & censerit testes idoneos, qui tales habentur jure naturali, & hoc procedere in utroque foro juxta Covarruy. in cit. c. Relatum n. 4. Clarum cit. q. 6. Coll. 3. quavis testamentum solo nutu, sine scriptura, vel voce regulariter non valeat per L. Jubemus 29. C. h. t. fecit tamen esse de testamento *ad pias causas*, atque adeo, testamentum etiam nutu, & signis tantum conditū de jure canonico valere ad pias causas, sic tradit etiam Barb. in dict. c. 13. n. 4. quo etiam habetur, licet testamentum minus solenne, quoad hæredis institutionem sit invalidum, legata tamen in eo ad piam causam

sam subsistere; nam propter defectum solennitatum, in quantum disponit ad pias causas, non infirmatur per textū c. Relatum.

2125 Coll. 4. juxta Claram cit. q. 6. n. 8. & Molin.

¶ 2. D. 134. n. 3. testamentum ad pias causas non indigere hæredis institutione, & incertas personas (v. g. pauperes, vel Ecclesiam intra urbem, ubi plures sunt) bene posse institui hæredes; Barbosa, in c. 13. b. t. n. 5. Coll. 5. testamentum minus solenne ad pias causas, valere etiam quoad legata profana, quia subsistente principali, substituit etiam accessorium. Pirhing, hic n. 22. & legata ad pias causas esse solvenda, licet hæres hæreditatem domini adierit, vel non acceptando, vel prius moriendo; quia legata pia dispositioni juris civilis non subiecta per cit. c. Relatum; Coll. 6. licet testamentum, à testatore inchoatum, sed non absolutum (quia morte præventus non potuit absolvere) alias invalidum sit, per L. sequis 21. ff. h. t. valere tamen quoad legata pia, in illa imperfecta dispositione relicta, & expressa, ratio est eadem, quæ prius, sic Layman. cit. l. 1. tr. 4. c. 17. Denique irritum esse statutum Laicorum, impediens facultatem restandi pro anima, vel ad pias causas, Abbas in cit. c. Relatum n. 5. cum communi Canonistarum.

ARTICULUS. IV.

De his, qui testamentum facere possunt.

2126 IN hac quæstione generalis regula est, quod possint omnes, qui nec natura, nec lege aliqua prohibentur, L. 1. C. de SS. Eccles. Iniquum enim esse, auferre testamentationem homini / a manu, L. ex facto 43. ff. devulg. & pupilli substitut. intellige, nisi ob gravem causam prohibeatur jure naturali, vel positivo. Naturæ prohibentur carentes usu rationis, ut infantes, amentes, furiosi, §. item furiosi. Instit. quibus non est permisum 2. Carentes judicij maturitate, ut impuberis 3. Carentes facultate voluntatem suam exprimendi, scripto, vel voce, quando autem sufficiant nutus, & alia signa, dixi n. 2124. 4. Coecus, saltem in scriptis. Jure positivo prohibentur 1. Servus, seu mancipium 13. q. 6. c. illud 5. L. 16. ff. b. t. 2. Prodigus ab administratione bonorum per judicem interdictus, §. item prodigus. Instit. quibus non est permisum & L. 18. ff. n. t. 3. Captivus, vel obses apud hostes detenus, quamdiu talis est: L. 8. & 11. ff. cod. 4. Filius familias sub potesta-

te Patris etiam cum hujus consensu debitis adventitiis L. 6. ff. qui testamentum facere secus est de castris, & quasi castris. 5. Usurari manifestus ante præstatam satisfactionem c. 2. de Usuris in 6. 6. Excommunicatus ob hæres, de quibus V. Pirhing h. t. n. 25. quib⁹ in genere præmissis:

§. I.

An, & qualiter Prælati Ecclesiæ & Clerici seculares testari possint?

AD hoc resolvendum not. 1. Gregori um 1x. Pontificem, cum, ut habetur in c. quorundam 1. h. t. quorundam relatione accepisset Attellana Civitatis Episcopum, condito testamento, in octo unicis substantiæ sua nurum hæredem instituisse, Ecclesiam verò suam in residuis quatuor; idem scripsisse ad Antonium Subdiaconum, hortando eum, ut solicite discutiat, & quid ipsum habuisse paruerit, à qualibet persona detineri nullatenus patiatur, nisi hoc solum, quod eum ante Episcopatus ordinem, proprium habuisse constiterit. Quid quid vero Ecclesia ante ipsius consecrationem, fuisse cognoverit, vel in Episcopatus ordine predictum Episcopum acquisivisse, in ejusdem Ecclesia domino conservetur.

Secundo, cum quædam Abbatilla certi Monasterii (etsi nunquam induerit habitum Monachalem) condito testamento, diversa fecisset legata; idem Pontifex necessarium judicavit, postquam in Abbatilam ordinata est, & in monasterio per annos plurimos, usque ad obitum presuit, vestis qualitatem ad culpam fortè Episcopi pertinere; qui eam sic esse permisit; non tamen potuisse prejudicium monasterio irrogare; Sed res ipsius eidem loco, ex quo illuc ingressa, & Abbatilla constituta est, de jure competere, c. Quia in ingredientibus 2. b. t.

Tertio in c. Cum in officiis 7. h. t. quod desumptum est ex Concil. Lateran. dicitur: cum in officiis charitatis primo loco illis teneamus obnoxii, à quibus beneficium nos cognoscimus receperissemus; et contra, quidam Clerici, cum ab Ecclesiis suis multa beneficia perceperint, bona per eas acquisita, in alios transferre presument, hoc igitur, quia antiquis canonibus constat inhibitum, nos indemnitate Ecclesiæ providere volentes, sive intestati decesserint, sive alii conferre voluerint, penes Ecclesiæ eadem bona præcipimus remanere.

Idem habetur c. Quia non 9. eod ibi 2128
de his